

Yeshua: e Rosea di Bida!!!

Awor Felipe a **buska i haña** Natanaèl i a bis'é: "**Nos** a haña **Esun** di **Kende Moisés** a skirbi den e **Lei** i di **Kende e Profetanan** tambe a skirbi. Ta **Yeshua; Jesus di Nazarèt**, yu di José." (**Juan 1:45**).

Yeshua; Jesus di Nazarèt: e Lei di Dios Tata!!!.

E ora ei **SEÑOR Dios** a forma **hende** di e **stòf di tera** i a **supla e Rosea di Bida** den su nanishi; i **hende a bira un ser Bibu**. (**Génesis 2:7**). I for di suela **SEÑOR Dios** a hasi nase tur palu ku **ta Agradabel** pa bista i **bon pa kuminda**; tambe e **Palu di Bida** meimei di e hòfi, i e **Palu di Konosementu** di **Bon i malu**. (**Génesis 2:9**).

Yeshua; Jesus di Nazarèt: di Kende e Profetanan di Dios Tata tambe a skirbi!!!.

Ma bo a halsa bo mes kontra e **Señor di Shelu**; i nan a trese e **artíkulonan di uzo di Su kas** bo dilanti, i abo i bo nobelnan, bo esposanan i bo konkubinan tabata bebe biña for di nan; i **bo a alabá e diosnan di plata i di oro, di bròns, di heru, di palu i di piedra**, ku **no ta mira, ni tende ni komprendé**. Ma e **Dios**, den **Kende Su Man** bo **Rosea di Bida** i bo **Kamindanan ta**, bo no a **Glorifiká**. (**Daniel 5:23**).

Ta kon Felipe por bisa: "Nos a haña **Esun** di **Kende Moisés** a skirbi den e **Lei** i di **Kende e Profetanan** tambe a skirbi. Ta **Yeshua; Jesus di Nazarèt**, yu di José."

Felipe por bisa esaki pasobra:

Yeshua ta e Rosea di Bida.

Yeshua ta e Agradabel.

Yeshua ta e Palu di Bida.

Yeshua ta e Palu di Konosementu.

Yeshua ta e Señor di Shelu.

Yeshua ta e Dios, den Kende Su Man bo Rosea di Bida ta.

Yeshua ta e Kamindanan.

Yeshua ta e Señor Glorifiká.

Ta pa e motibu aki Yeshua a bisa: "Ami ta e Kaminda, i e Bèrdat, i e Bida; ni un hende no ta bin serka e Tata, sino pa medio di Mi. Si boso tabata konosé Mi, boso lo a konosé Mi Tata tambe; i for di awor padilanti boso konosé E i a mira E." (Juan 14:6-7).

29 sèptèmber 2019

Sea Bendishoná ku e Amor di Dios Tata; Yeshua Mesias

Un Fiel Sirbidó di Dios,

Remsly L Riley